

2012 TEMA KAMPANJE

Od mira u kući do mira u svijetu: Osporimo militarizam i zaustavimo nasilje protiv žena!

Kampanja 16 Dana aktivizma u 2012 godini će se nastaviti sa globalnom temom: *Od mira u kući do mira u svijetu: Osporimo militarizam i zaustavimo nasilje protiv žena!* Ovogodišnja kampanja obilježava treću godinu zalaganja koje ukazuje na vezu militarizma i rodno zasnovanog nasilja.

Militarizam nastavlja biti ključni izvor nasilja protiv žena. Kao ideologija koja kreira kulturu straha, militarizam podržava korištenje nasilja, agresije i vojnih intervencija za rješavanje sukoba i ostvarivanje ekonomskih i političkih interesa. Militarizam privilegije nasilne oblike maskuliniteta i predpostavlja da nasilje predstavlja efikasan oblik rješavanja problema. Militarizam često ima ozbiljne posljedice za bezbjednost i sigurnost našeg društva u cjelini, uključujući žene, djecu i muškarce.

Nadograđujući na povratne informacije od učesnica/ka Kampanje 16 Dana aktivizma u 2011 godini, ovogodišnja kampanja će naglasiti tri prioriteta područja:

1. Nasilje počinjeno od strane državnih aktera

Vlade i državni akteri koriste nasilje kako bi postigli političke ciljeve, promovirajući nasilje i zastrašivanje kao „sigurnosne“ mjere, često bez posljedica.

2. Nasilje u porodici i uloga malog oružja

Nasilje u porodici nastavlja biti realnost širom svijeta, postajući još opasnije kada je malo oružje (npr. pištolji, mačete, i sl.) prisutno u domu.

3. Seksualno nasilje tokom/nakon sukoba

Seksualno nasilje se koristi kako bi se nametnule rodne i političke hijerarhije i kao oružje da bi se drugi kaznili.

CENTAR ZA GLOBALNO LIDERSTVO ŽENA (CWGL)

CWGL je osnovan 1989 godine i koordinira Kampanju 16 Dana od njenog uspostavljanja 1991 godine. Smješten je u Školi umjetnosti i nauka na Rutgers Univerzitetu, u Nju Džersiju, SAD.

Misija CWGL je usmjerena ka razvoju i podršci ženskom liderstvu za ženska ljudska prava i socijalnu pravdu širom svijeta. Rad Centra je usmjeren na:

- Unapređenje ekonomskih i socijalnih prava iz feminističke perspektive;
- Promovisanje zaustavljanja nasilja protiv žena i naglašavanje njegove povezanosti sa militarizmom;
- Izgradnja koalicija i kapaciteta oko hitnih pitanja od važnosti za globalni ženski pokret sa ciljem osiguravanja reforme politike na međunarodnom i nacionalnom nivou.

Za više informacija, posjetite CWGL web stranicu: <http://cwgl.rutgers.edu/>.



School of Arts and Sciences
Rutgers, The State University of New Jersey
160 Ryders Lane
New Brunswick, NJ 08901-8555 USA

RUTGERS
School of Arts and Sciences

16 DANA AKTIVIZMA PROTIV RODNOG NASILJA



Od mira u kući do mira u svijetu: Osporimo militarizam i zaustavimo nasilje protiv žena!

16 Dana aktivizma protiv rodno zasnovanog nasilja je globalna kampanja posvećena zaustavljanju rodno zasnovanog nasilja. Obilježava se svake godine od 25. novembra: Međunarodnog dana borbe protiv nasilja nad ženama do 10. decembra: Međunarodnog dana ljudskih prava.

Uz koordinaciju Centra za globalno liderstvo žena, u Kampanji 16 Dana aktivizma je od 1991. godine učestvovalo preko 4,100 organizacija iz 172 zemlje.

Kampanja 16 Dana aktivizma je posvećena:

- Podizanju svijesti o rodno zasnovanom nasilju kao problemu ljudskih prava;
- Jačanju lokalnih aktivnosti u vezi sa nasiljem protiv žena;
- Obezbjedivanju prostora za kreiranje i razmjenu strategija;
- Demonstriranju solidarnosti aktivistkinja i aktivista širom svijeta; i
- Pozivanju vlada da pokažu odgovornost, reaguju, zaštite i spriječe nasilje protiv žena.

<http://16dayscwgl.rutgers.edu/>

ZAŠTO RODNO ZASNOVANO NASILJE?

“Ukoliko želimo da ubiremo plodove mira i pravde u budućnosti, moraćemo da posijemo sjeme mira i nenasilja ovdje i odmah, u sadašnjosti.”

—Mairead Maguire, dobitnica Nobelove nagrade za mir

Šta je rodno zasnovano nasilje?

Rodno zasnovano nasilje predstavlja raširen oblik kršenja ljudskih prava, krizu javnog zdravlja i prepreku ravnopravnosti, razvoju, bezbjednosti i miru. UN Deklaracija o eliminisanju nasilja protiv žena usvojena 1993. godine je definisala nasilje protiv žena kao “bilo koje djelo rodno zasnovanog nasilja koje rezultira ili je vjerovatno da će rezultirati fizičkom, seksualnom ili psihološkom povredom ili patnjom žena, uključujući i prijetnje takvim djelima, prisilu ili proizvoljno lišavanje slobode, bez obzira da li se dešava u javnom ili privatnom životu.” Pojmovi “nasilje protiv žena” i “rodno zasnovano nasilje” su korišteni u svrhu ukazivanja na različite oblike zlostavljanja počinjenih protiv žena i muškaraca, koji proizilaze iz rodne neravnopravnosti, vjerovanja o tradicionalnim rodnom ulogama, i potčinjenog položaja žena u društvu u odnosu na muškarce.

Činjenice o rodno zasnovanom nasilju

- Svjetska zdravstvena organizacija procjenjuje na globalnom nivou da će barem jedna od svake tri žene biti pretučena, silovana, ili izložena nekom od drugih oblika zlostavljanja tokom svog životnog vijeka. U većini slučajeva, zlostavljač je član njene vlastite porodice.
- Istraživanja pokazuju da posjedovanje malog oružja u kući povećava za 41% ukupni rizik da će neko biti ubijen; za žene naročito, ovaj rizik je gotovo utrostručen.²

Svjetska zdravstvena organizacija. (2005) “WHO Studija u više zemalja o ženskom zdravlju i nasilju u porodici protiv žena: početni rezultati o rasprostranjenosti, zdravstvenim posljedicama i odgovorima žena.” Dostupno na: <http://www.who.int>.

² Wiebe, D.J., (2003) ‘Rizici ubistava i samoubistava povezanih sa oružjem u kući: nacionalna studija slučaja kontrole’, Anali hitne medicine, Tom 41, Američki koledž doktora hitne medicine. http://parliamentaryforum.org/sites/default/files/2%20-%20Violence_against_women_and_salw_parliamentary_handbook.pdf.

Translation provided by United Women Banja Luka

<http://www.unitedwomenbl.org>



DATUMI KAMPANJE

Kampanja 16 Dana je počela 1991. godine, i period od 16 dana između Međunarodnog dana borbe protiv nasilja nad ženama (25. novembar) i Međunarodnog dana ljudskih prava (10. decembar) kako bi ukazala na povezanost rodno zasnovanog nasilja i kršenja ljudskih prava, kao i da uklanjanje svih oblika rodno zasnovanog nasilja predstavlja pitanje zaštite ljudskih prava.

25. novembar: Međunarodni dan borbe protiv nasilja nad ženama Kampanja počinje 25. novembra, sa ciljem usmjeravanja pažnje na problem rodno zasnovanog nasilja. Ovaj datum je izabran u čast sestara Mirabal koje su ubijene 1960. godine od strane diktatorskog režima Rafeela Trujila u Dominikanskoj Republici. 1999. godine, 25. novembar je zvanično prepoznat od strane Ujedinjenih nacija.

10. decembar: Međunarodni dan ljudskih prava obilježava usvajanje Univerzalne deklaracije o ljudskim pravima 1948. godine. Kampanja koristi Dan ljudskih prava kao priliku za obilježavanje potpisivanja ovog istorijskog dokumenta i promovisanje principa koji on sadrži.

29. novembar: Međunarodni dan braniteljica ljudskih prava, dan koji prepoznaje braniteljice ljudskih prava i obilježava aktivizam, zalaganje i hrabre akcije otpora.

6. decembar: Montrealski masakr, sjećanje na rodno motivisano ubistvo 14 studentkinja Elektrotehničkog fakulteta Univerziteta u Montrealu 1989. godine.

Ostali datumi tokom Kampanje:

- **29. novembar:** Međunarodni dan solidarnosti sa narodom Palestine
- **1. decembar:** Svjetski dan borbe protiv AIDS-a
- **2. decembar:** Međunarodni dan borbe za ukidanje ropstva
- **3. decembar:** Međunarodni dan osoba sa invaliditetom

UKLJUČITE SE

Kampanja 16 Dana aktivizma je otvorena za **sve** aktivistkinje i aktiviste. Centar za globalno liderstvo žena (CWGL) poziva učesnice i učesnike da se povežu sa temom Kampanje, *Od mira u kući do mira u svijetu: Osporimo militarizam i zaustavimo nasilje protiv žena!*, na načine koji su najprihvatljiviji vašim lokalnim kontekstima.

Pokrenite vašu Kampanju

Resursni paket za akciju

Svake godine, CWGL priprema Resursni paket za akciju koji učesnice i učesnici Kampanje mogu koristiti kako bi planirali svoje aktivnosti u okviru Kampanje. Posjetite našu web stranicu (<http://16dayscwgl.rutgers.edu>) kako bi preuzeli materijale u okviru Resursnog paketa ili tražili printane kopije. Resursni paket je dostupan na više od 30 jezika.

Online kalendar Kampanje

Potražite online Kalendar Kampanje 16 Dana aktivizma (<http://16dayscwgl.rutgers.edu/campaign-calendar>) kako bi vidjeli koje organizacije u vašoj regiji organizuju aktivnosti tokom 16 Dana, ili da postavite informacije o vašim inicijativama i aktivnostima.

16 Dana diskusioni forum

Provjerite naš online diskusioni forum na: <http://16dayscwgl.rutgers.edu/get-involved/16-days-discussion-forum> kako bi se se povezali sa ostalim učesnicima i učesnicama Kampanje, podijelili resurse, i naučili više o pitanjima koja su u fokusu Kampanje.

Ostanite povezani

- **Web:** <http://16dayscwgl.rutgers.edu>
- **Email:** 16days@cwgl.rutgers.edu
- **Pridružite se e-mail listi 16 Dana:** https://email.rutgers.edu/mailman/listinfo/16days_discussion
- **Facebook fan stranica:** <http://www.facebook.com/16DaysCampaign>
- **Twitter:** #16days and @CWGL_Rutgers